



FICHA ARTÍSTICA

Música: Carlos Quintá

Conta e Canta: Vero Rilo

Técnica Teatral: Narración oral e música en directo

Duración: 45 minutos

Público: Adulto

 **info**

DABOAPIPA

Historias de vida, amor, guerra e case morte

A COMPAÑÍA

Daboapipa é unha compañía, que, malia a súa recente creación (2013), é das máis activas nos escenarios galegos: Vero Rilo e Carlos Quintá narran, cantan e musican relatos e contos. Vero Rilo conta con ampla formación e fonda experiencia como educadora infantil en Galicia e Portugal, dentro da Rede de Escolas Galiña Azul, e de aí procede a súa profesión de contadora. Tras moitas horas de contadas, argalladas e historias para “pequenas audiencias” decídese a se profesionalizar e contar e cantar para o público creando **Daboapipa**. Pola súa banda, Carlos Quintá é un dos acordeonistas diatónicos máis relevantes de Galicia. Membro fundador de Linho do Cuco, profesor de acordeón diatónico na ETRAD de Vigo, participa en numerosos proxectos musicais.

O ESPECTÁCULO

Historias de vida, amor, guerra e case morte é unha fermosa proposta a medio camiño entre a narración oral e o teatro con música ao vivo. Ao longo de varias historias recollidas de experiencias reais, **Daboapipa** cóntanos historias dos nosos maiores que reflicten dun xeito agarimoso e divertido a realidade na que vivían. Historias de amor, de emigración, de reclusión, guerra e amor contadas dende a tenrura e a emoción nunha proposta que arrinca bágoas, lembranzas e sorrisos. No fondo, Daboapipa percorre a nosa historia e o noso imaxinario colectivo para facernos un retrato de como somos, de que xeitos sentimos, das mil maneiras en que vivimos. Constrúen as historias coa palabra e a música para chegarnos ao máis fondo e reivindicar a memoria de todos, para que non se esqueza e siga transmitíndose en cada unha das súas funcións.

www.culturactiva.org 